



A lingua hè viva...
ci tocca à parlà



Ajaccio, le 14 mai 2011

***Rimessa di u diplomu di a cartula di a lingua corsa
da Paul Giacobbi, Presidente di u Cunsigliu Esecutivu di
Corsica à a cumuna di U Viscuvatu***

**Sabbatu u 14 di maghju di u 2011 – 11 ore
Casa cumuna di U Viscuvatu**

Sabbatu u 14 di maghju, Casa cumuna di U Viscuvatu, Paul Giacobbi, Deputatu di a Corsica Suprana, Presidente di u Cunsigliu esecutivu di Corsica, attribuisce u Diplomu di Livellu 1 di a Cartula di a lingua corsa à François-Xavier Marchioni, merre di U Viscuvatu, in presenza di Petru Ghionga, cunsigliere esecutivu in carica di a lingua corsa.

A pulitica di a Cullettività Territoriale di Corsica

In u quadru di a pulitica iniziata à prò di a lingua è di a cultura corsa, a Cullettività Territoriale di Corsica hà messu in ballu un Pianu strategicu d'assestu è di sviluppu di a lingua corsa.

U so fine hè di prumove a lingua corsa da liame suciale, arrulendu tutti l'attori isulani in u prucessu di sviluppu è di diffusione di a lingua in tutte e pratiche di a vita suciale.

A pulitica linguistica territoriale s'arrimba à dui acchisi di sviluppu :

- u prugettu educativu : Quaternu n° 5 « lingua è cultura corsa » di u PRDF, aduttatu da l'Assemblea di Corsica u 29 di ghjugnu di u 2006, chì tende à stallà u bilinguismu primaticciu francese-corsu per andà ver di u plurilinguismu ricummandatu da l'Europa ;

- u prugettu sucetale : « Pianu strategicu d'assestu è di sviluppu linguisticu », vutatu

CTC - Service communication

Hôtel de Région – 22, cours Grandval – BP 215 – 20187 Ajaccio cedex 1
Tél. : 04 95 51 64 94 – Télécopie : 04 95 51 64 60 – aurelia.marcaggi@ct-corse .fr
Site Internet : www.corse.fr

à l'unanimità da l'Assemblea di Corsica u 26 di lugliu di u 2007 ; u so scopu hè di favurizà l'usu di a lingua corsa in a vita suciale (pratica casana, usu amministrativu, usu in l'imprese, in i media, in i settori professionali, ecc.).

L'adesione di a cumuna di U Viscuvatu à a cartula di a lingua corsa

In core di u prugettu sucetale, a « Cartula di a lingua corsa » hè stata iniziata da favurisce l'adopru di u corsu in e cullettività pubbliche, l'amministrazione, l'imprese è u mondu associativu ; cuncerna parechji dumiinii : a furmazione di i persunali, a comunicazione esterna è interna, a signaletica, l'accolta di u publicu...

Dui documenti cumponenu a Cartula :

- U primu, « **Principii è impegni cumuni** », cuncerna tutti i servizii publichi, e cullettività lucale, l'imprese, l'associi ; stabilisce u pattu firmatu da l'organismu aderente chì :
 - ricunnosce chì, in Corsica, l'adopru di a lingua corsa hè naturale in a vita economica è suciale è in u spaziu publicu, à paru à a lingua francese ;
 - stima chì tutt'ognunu hà dirittu à una furmazione à a lingua corsa chì hè creatrice di leia suciale, d'integrazione è di sviluppu in a nostra sucetà ;
 - stima di u so dovere d'impegnassi nu u prucessu cullettivu chì permetterà di dà à a lingua corsa a dimensione propiu soia chì li vene in a sucetà.

- U secondu, « **Livelli di certificazione** », hè specificu à e cumune è precisa l'azione à move per ogni livellu d'impegnu sceltu.

Pè l'imprese, l'associi o altri servizii publichi chè e cumune, si tratta di firmà u documentu « Principii è impegni cumuni » è di mette in ballu azione precise ispirandussi da quelle stabilite pè e cumune.

Da a so deliberazione di u 4 di maghju di u 2009, a cumuna di U Viscuvatu s'hè indiate à favore di a prumuzione di a nostra lingua. Cusì s'impegna francamente ind'è a mossa cullettiva chì hà per scopu di dà à a lingua corsa a dimensione propiu soia chì li vene in a sucetà.

Oghje, U Viscuvatu hè a prima cumuna ad avè compiu l'azione ritenute quandu ella hà firmatu a cartula, vale à dì :

- signaletica bilingua esterna di a merria
- intistera bilingua di a carta da lettere
- messagiu d'accolta telefonica bilinguu nantu à u risponditore di a merria
- marcatura in lingua corsa o bilingua nantu à i veiculi di a merria è/o u materiale municipale
- signaletica in lingua corsa o bilingua esterna nantu à i stabilimenti dipendenti di a cumuna è specialmente ind'è e scole

Dapoi ferraghju di u 2009, in tuttu sò 47 cumune chì anu firmatu a cartula di a lingua corsa. U CNFPT, U Sporting Club di Bastia è a Lega Corsa di Scacchi sò l'ultimi organismi à esse si ingagiati in issa demarchja.

A campagna di cumunicazione pè a prumuzione di a lingua corsa

Da u 2009, una campagna di prumuzione di a lingua corsa accompagna u dispositivu di a Cartula . I documenti s'addirizzanu à dui publichi differenti :

- **E famiglie**, da sensibilizalle à i benefizii di u bilinguisimu pè i zitelli
- **E cullettività locale è l'impresu**, da ch'elle s'impegninu in a Cartula di a lingua

Si tratta dinù di fà cunnosce è di scumparte a pulitica linguistica di a Cullettività Territoriale di Corsica.

L'arnesi di cumunicazione :

- **un librettu d'infurmazione** : stampatu à 10 000 esemplarii, spiega à e famiglie u sistema d'insignamentu di a lingua corsa.
- **una scheda d'infurmazione** : Inserita in u cartulare individuale d'iscrizione in sesta, informa i parenti nant'à u dispositivu d'insignamentu in cullegiu. Hè cusì chì u numeru di sculari studiendu u corsu in sesta hè crisciutu assai, da 68 % à 83 % in 3 anni.
- **un librettu di presentazione di a « Cartula di a lingua corsa »** : Stu documentu s'addirizza à ogni tippu d'organismu signatariu (cumune, associi, imprese...). Presenta i scopi di a Cartula è a so messa in opera. In appicciu pè e cumune ci si trova u riassuntu di l'azione ubligatorie da realizà à ogni livellu di certificazione.
- **un diploma** : Stu documentu accerta u livellu toccu da l'organismu signatariu compie ch'elle sò l'azione scelte.
- **Un fogliu di stampini** : sti stampini culuriti è piacevuli chì simbulizeghjanu u bilinguisimu, si ponu affissà in i lochi publichi da incuragisce l'accolta in lingua corsa è à so pratica.

* *
*